

## **ODLUKA**

**O PRIHVATANJU ZADUŽENJA PO SPORAZUMU O FINANSIRANJU  
IZMEĐU BOSNE I HERCEGOVINE I SVJETSKE BANKE-  
MEĐUNARODNE ASOCIJACIJE ZA RAZVOJ ZA REALIZACIJU  
PROJEKTA ZAŠTITE OD POPLAVA DRINE ZA BOSNU I  
HERCEGOVINU (BAFPP)**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Parlament Federacije Bosne i Hercegovine je na sjednici Predstavničkog doma, održanoj 26.6.2014. godine, i na sjednici Doma naroda, održanoj 18. 7. 2014. godine, d o n i o

## **ODLUKU**

### **O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I SVJETSKE BANKE- MEĐUNARODNE ASOCIJACIJE ZA RAZVOJ ZA REALIZACIJU PROJEKTA ZAŠTITE OD POPLAVA DRINE ZA BOSNU I HERCEGOVINU (BAFPP)**

#### **I.**

Prihvata se zaduženje Federacije Bosne i Hercegovine (u daljnjem tekstu: Federacija), po Sporazumu o finansiranju (u daljnjem tekstu: Sporazum) između Bosne i Hercegovine i Svjetske banke - Međunarodne asocijacije za razvoj (u daljnjem tekstu: IDA) u iznosu do 6.630.000,00 SDR (ekvivalent 10.200.000,00 USD) što iznosi 42,5 % ukupno odobrenih sredstava za Bosnu i Hercegovinu koja iznose 15.600.000,00 SDR (ekvivalent 24.000.000,00 USD).

#### **II.**

Sredstva Sporazuma iz tačke I. ove odluke koristit će se za finansiranje Projekta zaštite od poplava Drine za Bosnu i Hercegovinu. Sveukupni razvojni cilj i opći okolišni cilj Projekta je osigurati veću zaštitu od poplava poljoprivrednih i komercijalnih interesa i zajednica u projektnom području, s obzirom na veliku učestalost poplava i njihovih posljedica u projektnom području, zbog čega je ova investicija od prioritetnog značaja.

#### **III.**

Sredstva Sporazuma iz tačke I. ove odluke odobravaju se Federaciji pod sljedećim uvjetima:

- rok otplate.....25 godina
- grace period:.....5 godina
- maksimalna stopa troškova održavanja kredita.....0,5 % godišnje
- servisni troškovi:.....0,75 % godišnje
- kamatna stopa:.....1,25% godišnje
- dospjeća:.....polugodišnja

#### **IV.**

Potvrđuje se da je razmatrana dokumentacija prihvatljiva za Federaciju, a posebno:

- Usaglašeni zapisnik s pregovora;
- Sporazum o finansiranju između Bosne i Hercegovine i IDA-e;
- Federalni projektni sporazum zaključen između Međunarodne asocijacije za razvoj i Federacije Bosne i Hercegovine;
- Dokument o procjeni Projekta zaštite od poplava Drine za Bosnu i Hercegovinu (PAD).

## V.

U periodu implementacije Projekta u budžetu Federacije nije potrebno osigurati dodatna finansijska sredstva za sufinansiranje Projekta.

## VI.

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije za sredstva iz tačke I. ove odluke.

Za potpisivanje Supsidijarnog sporazuma ovlašćuje se federalni ministar finansija.

## VII.

Za realizaciju ove odluke i izvještavanje zadužuju se Federalno ministarstvo finansija, Federalno ministarstvo poljoprivrede, vodoprivrede i šumarstva i Jedinica za implementaciju projekata PIU, svako u okviru svoje nadležnosti.

## VIII.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

## IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

PF broj: 01,02-02-812/14

18. jula 2014. godine

S a r a j e v o

PREDSJEDAVAJUĆI  
DOMA NARODA  
PARLAMENTA FEDERACIJE BiH

Tomislav Martinović

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Safet Softić